

牧齋初學集

二

牧齋初學集卷第十九

東山詩集二

起年巳三月盡一月

三月七日發瀟口徑楊千寺踰石礚嶺出

芳村抵祥符寺

黔山峻嶒比華尊連岡屬嶺為重門我從瀟口旋登頓裴徊薜石過芳邨山墮谷襲水見底灘聲半出煙嵐裏千叢竹篠衣石壁一徑落花被流水茅屋人家類古初橫枕溪流架樹居白足女郎齊碓蕨平頭兒子半叉魚路出洪中山始放黃山軒豁見容狀一簇蓮花擁閭闔千仞天都展屏障旋觀溪谷相迴紉紫浮溪如却容溪迎溪流環山山繞谷周遭匝如列城絃山延袤蘊靈異千里坤輿盡扶持倒寫萬壑流穢惡離立千山護空翠天心地肺杳難推明日懸厓杖策時一重一掩吾肺腑到此方知杜老詩

禊後五日浴湯池留題四絕句

香溪禊後試溫湯寒食東風谷水陽却憶春衫新浴後竊黃淺絳道家裝

其二

山比驪山湯比香承恩竝浴少駕鵞阿瞞果是

風流主妃子應居第一湯南都新書御湯西北角則妃子湯餘湯遷迤相屬而下

其三

沐浴頻看稱意身刈蘭贈藥想芳春憑將一掬香泉水噴向茸城洗玉人

其四

齊心同體正相因被濯何曾是兩人料得盈盈羅襪步也應抖擻拂香塵

奉和

素女千年供奉湯拍浮渾似踏春陽可憐蘭澤都無分宋玉何繇賦薄裝

其二

浴罷湯泉粉汗香還看被底浴駕鵞黔山可似驪山好白玉蓮花解捧湯

其三

睡眠朦朧試浴身芳華竟體欲生春憐君遙嗅香溪水蘭氣梅魂暗著人

其四

旌心白水是前因覩浴何曾許別人煎得蘭湯三百斛與君攜手校征塵

宿桃源菴作短歌題壁示藥谷主人余榆仲

天都諸峯屏障開白龍潭水綠浪迴浴罷湯池
冥投宿流泉午夜如崩雷溪山至此非嘗調主
人卜築領其要刻疏雲氣排窓櫺穿穴煙嵐置
室奧山中辛夷花放榮世上桃李俱落英却笑
仙源迷子驥還緣藥谷訪客成老僧三年不出
戶蓋頭莫爲誅茅誤雨後黃山更奇絕看我青
鞵去時路

夜雨

淙淙活活夜分鳴知是溪聲是雨聲明日穿山
憑兩屐却過雲外看泉生

黃山第三十一
峯名雲外峯

初八日雨不止題壁

憑仗屨尖與杖頭浮生腐骨總悠悠天公儘放
狂風雨不到天都死不休

桃源菴小樓坐雨看天都峯瀑布作

崇朝澎湃雨不止小樓翳蒼雲霧裏千流競寫
白龍潭四窓橫挂天都水水飛石擊相砢礮龍
蛇攫拏山谷鳴軒檻圾坵天欲漏隱几屏息心
忪忪薄莫解駁日車露大第呼童戒杖屨始知

急雨非無故天欲老夫看瀑布

天都瀑布歌

天都諸峯遙相從連綿嶧屬無罅縫山腰白雲
出衣帶雲生疊疊山重重峯內有峯類皺染須
臾蒼合仍混同會雲聚族雨決溜溪山天水齊
溪濤是時水勢猶未雄江河欲決翻全壅良久
雨足水積厚瀑布倒寫天都峯初疑渴龍雨噴
薄扶石投奔聲喧喧復疑水激龍初怒掉尾下
按百丈洪更疑羣龍互轉鬪移山排谷轟圓穹
人言水借風力橫那知水急翻生風激雷狂電
何處起發作亦在風水中波浪喧喧草木亞搜
攪軒簸心忡忡潭中老龍又驚寤綠浪漬涵軒
窺東山根颯拉地軸震旋恐黃海浮虛空亭下
雨止雲戎戎千條白練回沖融憑闌心坎舒撞
春坐聽濤瀨看奔衝愕眙莫訝詩思窮老夫三
日猶耳聾

初九日發硃砂菴逕觀音巖登老人峯

黃山之麓山匿匿雙峯拱峙作門闥枝撐長評
巨石墜攀躋惟恐兩厓合壽藤古木相實緣一
徑陰沈少見天脚底冥濛踏雲氣頂上噴灑過

飛泉霞城乳竇豆山足陽壑陰巖互橫簇硃砂
洞室趾天都采藥仙源接香谷振衣直向老人
峯會雲疊涌鋪虛空初似炊煙浮樹杪却看膚
寸起封中縣縣飛絮却復迎團團車蓋遙相絃
白來蒼狗半有無樓閣華髮遍穿迸蕩胸觸石
彌網縕車馬決驛旌旗勢如濤如浪復如海至
竟但可名爲雲須臾雲歸如鳥集晞髮青松身
溼溼回頭却望老人峯偃僂仍向天都立

緣天都峯趾度斷凡橋下木梯憩文殊菴

天都趾右石屏南墮山嶧嶺嶠且崦峭壁崩崖
罅欲裂異松穴石橫如簪峯數里俄半掌峯
峯百丈咸中弁峯巒移步貌改易蒼翠著面人
熏酣崎嶇鳥道陟又下摧頽繭足縮復探盤回
下梯身入井嘯呼命侶聲出甌僧徒扶曳咸右
袒與人負荷長左檐俯躬正恐眩三折側足祇
容劒一械挽葛千尋出洞穴誅茅一畝憩小菴
天都東拱勢翼勝勝後負形沈沈上擁趺石
宮宅穩下臨莽蒼光景涵靈山削成隱佛土普
門應現開精藍清曉梵貝響林樾午夜佛火明
煙嵐香象拒門表奮迅神鴉乞食離嗔貪隨喜

幸到文殊座投暝還同彌勒龕軍持澆囊在何
許桑下一宿吾所慙

宿文殊院夜起看月

三十六峯月魄裏老僧夜喚神鴉起空山午夜
光景微濛濛薄霧霑人衣

初十日從文殊院過喝石菴到一綫天下
百步雲梯逕運華峯憩天海

昔與炤上人共訂黃山約執手文殊院披雲一
長嘯蓮花溝畔少人跡蛾度蛇行限削壁炤公
前輓幻公推如上天門生四翼噴沙披歷見幽
居白石錯落爲周陔背屋屢屢疊雲浪下方軒
豁呈日車亭午齋鐘赴天海接翅神鴉已先在
盤回折下百步梯行人頂領與踵齊九步喘汗
十步息度樾穿林又枳棘青柯坪前縫韓愈蒼
耳林中失李白須臾復出海子巔意行縣度兩
茫然誰知絕頂千尋地只倚孤懸一綫天蓮峯
未上日已晚放杖松窻聊自忖莫愁山中石路
滑終羨老僧脚頭穩

登始信峯迴望石筍紅

三十六峯拔地涌此峯歧之纔及踵臨深爲高

地使然附要翻能瞰高家松枝懸度勢獵獵略
約孤鶩風從石徑會無飛鳥度茆菴尚有殘
雲擁上視近天心氣肅下臨無地覓魄悚平鋪
萬狀盡雲練幻出千嵐似丘壘邈迤迴望石筍
紅萬峯蟲蟲攢穹蒼故知造化善戲劇遂使鬼
物齊開張破碎虛空作苑囿搏掄厚土成珪璋
孤撐扶陷互相詭妄伏蹙蹙不可詳益州二筍
何微眇天平萬笏空迴翔起視大壑限尋丈却
立萬仞憑堵墻高陵巨谷堆衆皺都邑嶺陸分
毫茫篆雲一點出九子突煙片縷回池陽心駭
神移耳目急積蘇累塊今安在中天情悅游化
人步地蒼茫窮豎亥錐鑿將無死渾沌刻畫何
當罪真宰經營團辭記靈異忽漫執筆成晦昧
眼看夕陽信奇絕安知夜半不遷改笑殺區區
刻劒人但認一漚作黃海

登煉丹臺歸宿天海

是日日御薄下春萬里一碧澄秋容煉丹臺陽
訪丹室斗絕下瞰馮夷宮靈區占據宜神物陰
雨穿穴多蛟龍何當切來養伏火豈有石室支
劉風頗窺悼慄據櫺檻却倚眩運憑虛空丹峯

香爐屹相向翠微飛來翼以從三十六峯離又
屬化質幻出千芙蓉俯仰堪與志枕藉烟海茫
茫天地易星河錯落九天近日月回周兩九迤
高山矗立羣螳封巨浸微茫一牛跡憶昔軒轅
鑄丹鼎相度茲臺作宮宅抽添火候資陽烏採
煉陰符用月魄役使百靈守鑪鞴錯列千峯儼
陛戟一襲珠函至今在千年鬼物誰敢搃天風
蕭騷日已夕攬衣欲下心不懌文楸萬木聲撼
撼素女清絃響金石南斗闌千星可摘安得商
飈發兩腋望仙峯頂看月白

十一日繇天都峯趾逕蓮華峯而下飯慈
光寺抵湯口

天都劣削不可上絕腰束胸將安往蓮花峯下
徑仄垂剉風蓬蓬吹勒回磴道千盤互攀援足
巡迴途目欲旋兩腋風生似掖扶絕壁雲遮失
泯眩靈山惜別如乍逢凝嵐積靄開重重丹厓
却轉圍紺殿翠微深處聞齋鐘未央長信已遷
改慈光香火十年在碧桃花開繞石塔砂溪水
流環法海寺舊名法海也經丘歷廣重躊躇却
望青峯卽畫圖裝褶雲來看疊嶂微茫雪逕認

天都六六連峯倚林樾嘆息青蓮久蕪沒會聽
當時吳會吟惟有黃山碧溪月李太白夜泊黃山聞溪十四吳吟詩云昨夜誰爲吳會吟又云我宿黃山碧溪月

十二日發桃源巷出湯口逕芳村抵瀟口

老夫入山雨洗塵山容水色相鮮新老夫下山
雨祖道雨氣溟濛山更好春山皎潔如秋清先
庚後甲雨却迎已放飛流縣瀑布更鋪雲海媚
新晴人言此行天所予宜晴即晴雨即雨海市
何當用禱祈石廩還應薦酒酤三十六峯憎我
回屯雲餐霧晝不開桃花溪水尤惜別鳴車澱
轍爭沈洞山中桃花紅未了人閒春去知多少
試聽同聲山樂禽何如交響頻迦鳥汪澤民記
聞啼鳥聲甚異若歌若答節奏疾徐名山樂
鳥下山成無有余於湯口道中聞之信然

湯池

圖經云湯池在黟山東紫石峯下香泉溪中有
湯泉黃帝服還丹肌膚皺折浸湯泉七日故皮
隨水而去斯須白龍見池中笙歌繞空雲霧消
散見珠函玉壺持歸石室浮丘公題記于南峯
石壁

峨峨紫石峯迸泉瀉天半下有湯泉口漬沸然

鑪炭陰陽交劑和涼溫互輸灌暄暖便拔濯清
冷宜磧鹽立象徵明夷流惡類奔竄蒸池匪檻
涌瀆魁徒澶漫天爲湯沐賜神用陰火燠不數
硫黃猶肯比舉石潭天下湯泉多作硫黃氣惟
鑪山是紫石泉黃山少味
泉惟昔軒轅帝在宥天下亂神丹內服食靈泉
外烹煨一浴肌理皺七日毛髓換龍來雲翕集
鳳吹霧消散漿露玉壺凝冠履珠函貫至今石
壁題隱隱南山矸我來值春晚桃花湯渙瀾桃
峯下有桃花溪水名
桃花湯流入湯泉香風解煩醒蒸氣渙微汗
嗽嗽綠腸淨拂拭紫絡榮原憲腫可差皇甫痺
應溪陸渾火焚灼焦原勢糜爛未能除人病安
用滌身瘡誰把浮丘袖永懷王女姪執熱竟何
云晞髮起長歎

天都峯

萬曆甲寅普門和尚始陟天都絕頂丙辰閣庵
和尚偕同衣九人再登累石爲塔揭二竿縣以
幡燈從下望之塔如人立幡從風迴翔厥後罕
有繼跡者焉

天都九百仞練出羣峯上我行陟慈光歷屢正
北望紫如冕旒垂突如甲冑壯仙都儼侍衛蓮

花屹相向煉丹雖鼎足頻伏慙羣行削從大地
拔高與青天抗浮雲不能齊飛鳥孰敢竝古云
天之中軒轅此游放巉巖負斧依幔亭列衛伏
月白霞衣鮮風清廣樂張憑虛命天老排空召
雲將至今數千祀真都隱沈陽晉門始荒度閭
菴繼策杖絕陁引猿臂缺竇縛馬柳橫窄身入
甕倒擲頭觸甕百仞更顛頓方石見輪廣累塔
象人立樹幡危石當神燈不可見色界吾安仰
昔聞三天都圖記互評量此爲天子都彼爲天
子郭廬率西南屏大郭東北嶂譬如侯甸服離
衛帝都王香谷氣方馥桃花水初漲帝將觴百
神吾欲合杳杳

蓮華峯

蓮華峯窄峯高與天都竝峯趾仄下垂屈盤隱
梯磴峯如蓮正開趾如荷有柄綠莖拊其瓣百
折峯始竟側身竇石腹刺促藕絲經罅漏忽穿
穴藕孔隙光映上有半開片凸如蓮子遊又有
蓮花心數尺四圓徑羣峯簇相拱田田荷葉盛
我來倚孤藤敢與劉風競支頤雲梯畔足跂目
轉瞪自從出湯口諸峯互延亘天都尊無如蓮

峯變難凭初疑玉井頭如船藕相繫簇簇青蓮
房萬葉擁却迎及憇文殊院西面看最靚妙花
聳青壁石瓣承其脰跌坐敷莊嚴明粧比端正
西北瓣未圓菡萏一峯稱南下桃花峯飛梁似
連騰王紫近可攀連理遙相命數武俄改易一
瞬已幽篴側出橫秋波平鋪落明鏡顧盼良已
煩畫圖豈能評惟有青蓮眼嘗見勝蓮勝

石筍紅

黃帝上昇後靈山忽涌潰化成千尺峯乃是雙
石筍詭異窮堪與象滋靡域吟幻化石有靈包
解筍無盡危紅如防盛列石類欄橋銳如浮圖
矗鐵如劒戟展閣如波濤散處如篆籀繁或
屬而駢驛連迤復徐引或宮而障圍撐柱匪囚
僭或如經天星未及尺而隕或如靈胡掌裂
地爲墳象物總雜糅攫搏互駁躡大地刻玲瓏
神匠碎齋粉琢鏤鬼盡驚奇謫天亦哂我來陟
此岡憑高數巉嶙指顧眩景光心目因撫欄西
北山中折勢與削成準沉陽仙都出青縹翠微
近廬江畫衣帶池陽堆庾圉虛煙長蕩蕩人語
或殷殷側足臨大荒傾耳扣虛牝片石投下空

宿鑒似雷實中天腐骨輕下界夕陽隱生年厄
枯符世事叢苞積安知石能言不以我爲箇高誘

曰舊竹

鍊丹臺

我登鍊丹臺，跌蕩上青天。旋觀六六峯，一一排
青蓮。崇臺據中央，宛如蓮萼然。千瓣復萬莖，迴
抱相鉤連。玉屏展青嶂，香鑪卷紫煙。奇峯劒危
石，櫛列差髀肩。橫若羅劒盾，轟若奮戈鋌。猛若
屯天獸，疑角夾九閭。伏若萬金革，捩鳴復收旋。
神靈既役使，頑礦俱騰騫。相將守丁甲，誰敢窺
求鉛。日車陽焰煖，月駕陰火然。至今丹鼎中，光
氣流朱殷。在昔軒轅帝，垂裳理八埏。命龍戮絕
轡，驅虎定阪泉。六相資輔弼，五賊收狂顛。藥得
君臣配，火用文武煎。海宇鑪韜定，陰陽藥物全。
然後事修煉，黃服朝上玄。服食八甲子，圖經云：浮丘公煉丹經，八甲子黃帝服之，上昇。登假千萬年。有如世不治，慕
道求神仙。張樂洞中野，採藥黔山巔。何異周穆
滿車轍馬跡，焉軒皇去我久。刀圭世莫傳，願發
珠函祕，進獻王辰前。

慈光寺

普門頭陀行光明動，帝后兩宮賜剎染少。

府給組綬脫却金紋衣，麻鞋露兩肘。毘盧金像

設梵英琅函，割煌煌慈光額。天子維獻壽金

貂，馳北黠銀榜，貢南斗。寺踞天都隴，面勢抗龍

首。朱砂拱其左，疊嶂掖而右。飛閣千尋，涌諸天

四圍。負龍像，震旦尊。鍾魚六時吼，幡幢內家織。

齋鉢大官糗，鋪張金世界。變現錦陵阜，嗚呼卅

年來滄桑逼。陽九宮移長信屢，上應沙鹿久。王

衣寢廟重，脂澤鏡食厚。八極誠晏如，三災所時

有椒塗。恩賜節榆塞，金錢走招提。佐軍興，納衣

裁短後。我來禮慈光，俛仰思文母。僧徒目魚

雅，彈誦午譚鉅。空山猶昇平，慈恩正攝受。泉流

石塔下，桃紅碧溪口。客拜瀉水囊，僧持埽花帚。

尚祈白毫力，庶復金輪舊。頂禮九蓮座，宮中稱慈聖

高九蓮菩薩涕洟重稽首。

下黃山，留宿故方給事方石書館題壁兼

懷孟陽。

春盤剪韭夜留賓，高館明燈笑語親。左掖雞栖

傳奏牘，中堂鵬止見承塵。老成春後孤花少，朋

舊秋來宿草頻。尚有故人頭白盡，爲言茲會重

傷神

過方司馬子玄故第

秋卷書生射策過卽看殊錫寄關河白山節鎮
烽煙少丹旄遄歸蔭敘多二八金鐘縣甲第三
千鐵騎擁瑯戈白頭老友春風淚寂寞生芻問
雀羅

訪孟陽長翰山居題壁代簡

三日天都約裹糧差池燕羽正相望却回謝客
新游復來訪盧鴻舊草堂長翰山中書數卷松
圓閣外樹千章到門他日何人記莫漫題名字
幾行

三月廿四日過釣臺有感是日聞陽
羨再召

嚴瀨瞳瞳旭日餘桐江瀧盡挂帆初老夫自有
漁灣在不用先生買菜書

牧齋初學集卷第十九

牧齋初學集卷第二十

東山詩集三起辛巳六月盡
十五年壬午

合歡詩四首六月七日葺城舟中作

鴛湖畫舸思悠悠各水香車浣別愁舊事碑應
斷關口新歡鏡欲上刀頭此時七夕移弦望他
日雙星笑女牛榜棹歌闌仍秉燭始知今夜是
同舟

其二

五茸媒雉卽驚鴛樺燭金鑪一水香自有青天
如碧海更教銀漢作紅牆當風弱柳臨粧鏡卷
水新荷焰畫堂從此雙棲惟海燕再無消息報
王昌

其三

忘憂別館是儂家烏榜牙橋路不賒柳色濃於
九華殿鶯聲嬌傍七香車朱顏的的明朝日錦
障重重暗晚霞十丈芙蓉俱並蒂爲君開作合
昏花

其四

朱鳥先連河漢深鵲橋先爲架秋陰銀紅焰壁
還雙影絳蠟交花總一心地久天長頻致語鶯

歌鳳舞竝知音人閉若問華臺事細合分明抵萬全

催粧詞四首

養鶴坡前鳥鵲過雲間天上不爭多較它織女還優倖月笑生時早渡河

其二

鵲駕鸞車報早秋盈盈一水有誰留粧成莫待雙蛾畫新月新眉總似鉤

其三

鵲火舒光炤畫屏銀河倒轉渡青冥從今不用看牛女朱鳥憲前候柳星

其四

寶架牙籤壓畫輪筆床硯匣動隨身玉臺自有催粧句花燭筵前與細論

田國威奉 詔進香岱嶽渡南海謁普陀還朝索詩爲贈

威臣銜 命報祿祥玉節金函出尚方 天子竹宮親望拜 貴妃椒室自焚香鯨波偃作慈雲色煙氣銷爲瑞日光岱嶽山呼那得竝海潮音裏祝吾皇

燕譽堂秋夕

雨過軒窗浴罷時水天閒話少人知凭闌密意星娥曉出幌新粧月姊窺闌草空堦螢自語採花團扇蝶相隨夜來一曲君應記颯颯秋風起桂枝非君起夜來柳惲詩也

秋夕燕譽堂話舊事有感

東甯游宦三十年老夫雙鬢更皤然追思貫酒論兵日恰是涼風細雨前埋沒英雄芳草地耗磨歲序夕陽天洞房清夜秋燈裏共防莊周說劍篇

中秋日攜內出游次冬日泛舟韻二首

綠浪紅闌不殢愁參差高柳蔽城樓鶯花無恙三春侶蝦菜居然萬里舟炤水蜻蜓依鬢影窺簾蛺蝶上釵頭相看可似嫦娥好白月分明浸碧流

其二

輕橈蕩漾緩清愁恰似明珠上翠樓桂子香飄垂柳岸菱荷風度採蓮舟招邀璧月成三影揖當金尊坐兩頭便合與君長泛宅洞房蘭室在中流

依韻奉和二首

秋水春衫憺暮愁，船窗笑語近紅樓。多情落日依蘭櫓，無藉輕雲傍綵舟。月幌歌闌尋麈尾，風床書亂覓搔頭。五湖煙水長如此，願逐鷗夷汎急流。

其二

素瑟清尊迥不愁，施樓雲物似粧樓。夫君本自期安樂，有美詩云也賤妾寧辭學泛舟。燭下烏龍看拂枕，風前鸚鵡喚梳頭。可憐明月將三五，度曲吹簫向碧流。

和高中丞平仲乘城記事詩八首

有序

崇禎辛巳閏賊破雒陽，下汝郊乘勝趨汴。自二月十二日至十七日，并力疾攻者七晝夜，高君平仲以御史巡汴，乘城死守，窮百道禦之，乃退。城幾陷者數矣。天子嘉其功，立命爲僉都御史，巡撫河南。平仲作乘城記事詩，自爲之序。余讀而偉之，乃次韻屬和焉。平仲之序曰：圍城中數瀕死，惟自分必死，故盡力守禦，不復反顧也。傳曰：畢萬匹夫也，七戰皆獲死於牖下，死不在寇羣子勉之。知言哉！偉哉！斯言可以辦賊，可以

辦天下事矣，并記之以示能者。

維陽官殿污膾腥，汝郊烽煙接杳冥。幸有繡衣雄節鎮，何妨銅馬過郊坰。連營殺氣傳鼙鼓，列戍軍聲語索鈴。盡夜城頭拜南極，爭看弧矢直狼星。

其二

膏塗肉薄踐城梯，積甲真看熊耳齊。漫道無功曾使鶴，縱令有技已窮鼷。持來舊筆驚狐鼠，磨得靴刀瑩鸛鵒。飲血登陴更長嘯，儘教飛矢屬吳犀。

其三

汴京城闕倚高堅，垂絕頻憂臟腑穿。長技馬牆飛霹靂，短兵鼠穴接戈鋌。心同石礮俱糜碎，身與金錢總棄捐。痛哭南雲判血指，賀蘭燕罷正高眠。

其四

大梁城是漢黃圖，持重軍威竝亞夫。夫夜戰不曾開壁壘，先登誰敢呼蝥弧。指攜刑隸回強虜，鎖鑰幽燕拱帝都。何事至尊長側席，安危時至有人扶。

其五

率土兵塵暗不開羽書旁午疾轟雷請看襄雒
新烽火還道見明舊劫友戰壘非熊無一老讓
堂集鳳有羣才可憐七夜乘城客白髮盈顛馬
亦爐

其六

假火傳峰逼孟陬淮奸絳謀滿青鞵牛羊賤抵
將軍命蠅虱窮罕辛伍整天上旌旗垂四野地
中鼓角殷層樓嚴城圍解爭相笑壯士還家盡
白頭

其七

捷書夕奏賞朝論節鉞傳宣日未昏帝倚一
身籌汗維天留隻手障乾坤彤弓歟矢應誰于
大轟高牙賴爾存蠆賊掃清還有事更扶入柱
正崑崙

其八

巢車望處斷塵囂烏鳥聲傳寇遁宵對酒旋頭
頻自看罷棋後齒不曾嚼瘡痍士卒連朝撫膏
火軍書繼晷燒馮仗天威須折蘭赤眉青犢待
君招

長干行寄南城鄭應尼是庚戌同年進士
榜下一別三十二年矣

人生忽如客行路少壯侵尋逼遲暮白頭種菜
猶昔人紫陌看花想前度就中最愛鄭南城緩
帶輕衣太瘦生七言詩句推渠帥千佛名經獨
老成連鑣未幾忽星散中外差池不相見君因
忤物坐逐遣我緣鉤黨遭塗炭懷袖消沉字幾
年長干風月總堪憐白夾風流樂府在青樓薄
倖教坊傳應尼以府長干為名效馬湘蘭作白練俗雜劇至今流傳曲中即今
天下兵塵滿年少兒郎死樞筦武陵彤弓命未
反括蒼鐵衣血新澣武陵樞相括蒼司馬皆同勝少年生也功名
熏灼竟如何紅粉黃沙不較多游人尚耐湘蘭
墓子弟爭翻白練歌不若與君贏得在瞻目支
頤看流輩且將分鹿付覆蕉莫以亡羊笑博塞
吳門仙治近麻姑莫謂盱江道路紆若逢鳥爪
經過便還寄丹沙問訊余

贈建昌痔醫黃岐彬

衰老翻於痼疾便靈祇告戒起纏綿得車知爾
非論賞館客慙余已判羊果痔木癰除物害尻
與神馬得天全瘍醫本是天官屬醫國方須時

後傳

江上聞梅中丞長公計二首

書生片紙到江濱不信梅髯計報真歷落鬚眉堪作鬼輪囷肝膽可成塵挽回滄海誠無計經略中原更有人哭向蒼天聲淚盡西風吹折白綸巾

其二

勤王身自領弓刀爲國家真薄羽毛嗣事闔棺留一舍渡河升屋應三號謹呼死賊如聞赦哀泣餘民欲聚逃公死麻黃不可保矣早侍帝晨求保定莫忘明主正焦勞

小至日京口舟中

病色依然鏡裏霜眉間旋喜發新黃偶逢客酒澆長至且撥寒鑪泥孟光撫髻一燈還共炤飛蓬兩鬢爲誰傷陽春欲復愁將盡弱綠分明驗短長

奉和

首比飛蓬翳有霜香奩累月廢丹黃却憐鏡裏叢殘影還對尊前燈燭光錯引舊愁停語笑探支新喜壓悲傷微生恰似添絲線邀勒

君恩茲許長

寄榆林杜韜武總戎

不離戎馬作書蟬百戰功勞口不談黃髮老謀秦塞叔輕裘方略杜征南車嫌生耳還推轂劒笑成衣自出函莫厭將壇求解脫清涼居士卽瞿曇韓蘄王晚年自號清涼居士韜武少以三教逸民自命故云

冬至後京江舟中感懷八首

懽騰心口自相攻失笑禁啼夢鑿中白首老人徒種菜紅顏小婦尚飄蓬床頭歲敘占枯樹鏡裏天涯問朔風睡起船窻頻徙倚強睜雙眼數來鴻

其三

世事那堪祝網羅流年無復感蹉跎繙書懶着窮愁志度曲誰傳歌背索偶逢聊復爾休儒相笑不爭多晤言好繼東門什深柳書堂在礪阿

其三

威威羣鳥啄野田遼遼一鴈唳江天風光頗稱將殘歲身世還如未泊船懶養丹砂回鬢髮閑憑青鏡記流年百金那得封侯藥悔讀蒙莊說

劍篇

其四

屈指先朝侍從臣西清東觀似前身何當試手
三千牘已作平頭六十人櫪下可能求駿骨爨
餘誰與惜芳薪閑披仙籍翻成笑墜落猶誇侍
帝晨

其五

人情物論總相關何似西陵松柏間敢倚前期
論白首斷將未契結朱顏緣情詞賦推團扇慢
世風懷託遠山戀別燭花渾未熄宵來紅淚正

欄班

其六

項城師潰哭無衣聞道松山尚被圍原野蕭條
郵騎少廟堂鎮靜羽書稀擁兵大將朱提在免
胄文臣白骨歸却喜京江波浪偃蒜山北畔看
斜暉

其七

舵樓寧酒指吳關畫角聲飄江北還月下旌旗
看鐵甕風前桴鼓憶金山餘香墜粉英雄氣剩
水殘雲倦仰聞他日靈巖訪碑版麒麟高冢共

躋板

其八

陽氣看從至下迴錯憂蚊響又成雷鳥鳶攫肉
真堪笑魑魅爭光亦可哀雲物暖應生黍律風
心老不動葭灰香車玉笛經年約為報西山早
放梅

賀泉州孫太守得子四絕句

擁車鵲報石麟生乳哺喧傳燕喜聲太守政成
推佛國邊飛佛乳慰泉氓

地志泉馬
開佛國

其二

浴罷蘭湯早放衙玉牙新發刺桐花埋羹太守
清如水湯餅偏能飽萬家

其三

忠獻堂前氣象迴龜齡碑版應三台泉南父老
爭傳說紫府真人又降來

韓忠獻生於州
治王龜齡有碑

其四

合浦珠還未足誇史君掌上抱靈蛇君從嘗熟
湖頭看明月光先單水涯

晉江縣東有膏熟
湖見歐陽詹文

半塘雪中戲成次東坡韻

千林見耀失藏鴉紫席迴簾擁細車匝地揚枝

聯玉樹漫天柳絮攪琪花薰鑪昵枕梁王賦雙
燭裁書學士家却笑詞人多白戰腰閒十韻手
頻又

其二

方壁玄珪密又纖霜娥月姊闢清嚴從教鏡裏
看增粉不分空中擬撒鹽鋪作瑤臺粧色界結
成玉筋炤冰簷高山歲晚偏頭白只許青松露
一尖

次韻戈三莊樂六十自壽詩兼簡李大孟
芳二君與余皆壬午

幅巾杖屨古人餘步履頻過慰索居馬齒共看
雙雪鬢菟裘終健一蓬廬醉鄉祇恐愁侵睡
國長憐夢破除勤買青春禁百歲眉閒三尺爲
君舒

其二

共是衰遲託 聖朝欣看山木長春條庚寅屈
揆偕吾降甲子堯年任爾驕六十平頭詩力健
三分鼎足酒盃饒老顛風景應須惜莫歎餘生
共寂寥

辛巳除夕

風吹漏滴共蕭然畫盡寒灰擁被眠昵枕熏香
如昨夜小憲宿火又新年愁心爆竹難將去永
夕缸花只自圓悽斷鯨魚渾不寐夢裏那得到
君邊

壬午元旦雨雪讀晏元獻公壬午歲元日
雪詩次韻

九天凍雨合銀河一夜飛霰炤王珂颺絮柳催
幡勝早薄花梅入剪刀多寒威盡掃黃巾壘殺
氣平填黑水波漫憶屯邊饒鐵甲西園鐘鼓意
如何

次前韻

玉塵侵夜斷星河油壁車應想王珂歷亂梅菟
辭樹早迷離柳眼著花多試粧破曉紫香粉恨
別先春翠綠波一曲幽蘭正相儷薰鑪明燭奈
君何

獻歲書懷二首

香車簾閣思葱籠旋喜新年樂事同蘭葉俏將
迴淑氣柳條剛欲泛春風封題酒甕拈重碧囑
累花幡護小紅幾樹官梅禁冷藥待君佳句發
芳叢

其二

香殘漏永夢依稀
網戶疏窗待汝歸
四壁圖書誰料理
滿庭蘭蕙欲芳菲
梅花曲裏催游騎
楊柳風前試夾衣
傳語雕籠好鸚鵡
莫隨啁哳美羣飛

留惠香

並蒂俱棲宿
有期舞衣歌扇且相隨
君看陌上穠桃李
處處春深伴柳枝

代惠香答

皇鳥高飛與鳳期
差池一燕敢追隨
桃花自趁東流水
管領春風任柳枝

代惠香別

春水桃花沒定期
柳腰婀娜鎮相隨
憑將松柏青青意
珍重秋來高柳枝

別惠香

花信風來判去期
紅塵紫陌肯相隨
池邊苑外相思處
多種天桃勝柳枝

仲春十日自和合歡詩四首

綠波南浦事悠悠
天上人間盡斷愁
却扇風光生帳底
迴燈花月在床頭
平翻銀海填河漢
別

築珠宮館女牛試與鵲夷相比
並五湖今日是歸舟

其二

綺窗春柳覆鴛鴦
萬線千絲總一香
應有先芒垂禁苑
定無攀折到垣牆
宮鶯啼處爲金屋
海燕樓來卽玉堂
最是風流歌舞地
石城山色接吳昌

其三

數峯江上是郎家
翰苑蓬山路豈賒
立馬何人論共載
駢鸞有女喜同車
飯抄雲母脣
雪筆架珊瑚
段段霞伯世散花
天女是可知
天又遣司花

其四

畫屏屈戌綺窗深
蘭氣茶香重
慳陰流水解翻筵
上曲遠山偏識賦
家心詩成刻燭論
佳句歌罷穿花度
好音休擲丹砂成
狡獪春宵容易比黃金

春游二首

踏青車馬過清明
薄靄新煙逗午晴
日射天桃含色重
風和弱柳著衣輕
春禽欲傍銀頭語
芳

草如富展盡生每向東山看障子不知身在此
中行

其二

韶光是處著芳叢輾轉香車輾鏡中拂水礪如
圍繡帶石城山作畫屏風柳因鶯淺低迷綠花
爲春深歷亂紅璧月半輪無那好碧桃樹下小
房櫺

江上宿繆西溪從野堂故人及諸郎君置
酒感歎而作

瓦燈布嬰野風吹碧血銷沉山鬼知兩字銘旌
還有日一棺寔宵尚無期丁寧語笑追筵几戊
削衣震憶履綦老淚纒縈揮不得江天雲濕雨
如絲

送涂德公秀才戊辰州兼簡石齋館丈

霜飛風擊白虹橫終古還看馬角生仗鉞不煩
收李固舉幡已許訟陽城爲臣爲友皆成是從
死從軍總一行太息輟耕何所道炷香稽首頌
王明

題將相談兵圖爲范司馬蔡將軍作

錦州城中塵垢堞大槍五旂紛么麼廿載軍儲

困劬鐵四海供輸窮前筭當宁肝食求幹濟中
朝展告資剝削金甌破碎跡朱提玉燭叢殘爲
青瓊水上徒占頰尾多天邊未見旄頭墮忍看
北極獨焦勞但看南箕又軒簸火燒武庫議曲
突風急中流選楫柁廟郎誰子紆籌策圖畫有
人殊破碣鳴夷舊策意匠精龍圖後身腹甲果
垂簾白晝膏深念蔽榻紅塵正匡坐憂國何時
兩頰肥籌邊更見雙眉鎖側席有人面相向虎
頭無領呈決悞俯躬無乃問韜幹奮臂何當支
拉擺料理茗香亦經濟位置琴書自帖安童子
夾侍狀蕭閒瓶花低垂意嫻嫻圍棋長日非等
閑清嘯中宵笑侈哆羽扇輪中葛武侯緩帶輕
裘祭征虜此時前著借幕中他日戎衣拜道左
眼中二老故自佳世上高人正亦夥豈無峴南
共黍飯亦有衡山撥芋火指撝醜虜成沙蟲睥
睨公侯類螺贏畫師畫師汝何煩再貞一人胡
不可猿公石公非所希天津老人或是我

効歐陽耆觀月詩

崇禎壬午八月望我生六十一中秋少年對月
不解詭託長大詭月多牢愁今年端憂值多暇蕭